

浙江通志採訪稿

疆域

金華舊分十三鄉惟大雲鄉轄坊隅爲城地赤松東陽金華孝順就日文星惠日循理白沙慶雲從善婺女等十二鄉爲鄉地道光以後並無改革光緒三十三年設勸學所專爲教育行政便利起見除城區外分鄉區爲二十有六其他行政仍照舊有鄉都至宣統三年假定城鎮鄉自治區域由縣長召集城鄉自治職員核計戶口之數平均支配定爲九區以城廂爲第一區赤松二東震三東華四文星五至道六南華七白沙八芙蓉九學區及警察皆從之此清末變更區域之大略也

學校

清末變法罷科舉興學校光緒辛丑壬寅年間郡守繼良始就麗正書院改設中學堂然猶未脫書院舊習至乙巳丙午間逐漸改良稍見進步金邑亦於是時就長山書院改設高等小學城中踵起者約三四校然俱未籌有的款旋興旋廢鄉間設小學者亦甚寥寥泊光緒三十三年勸學所成立劃全境爲二十七學區設勸學員一人力圖進行籌款推廣迨光緒三十四年計全縣小學校三十二所教職員一百一十二人小學生一千三百十六人經費銀歲入八千八百六十二兩歲出九千九百

續修浙江通志採訪稿

疆域 學校 關梁

一一

零五兩宣統三年城鎮鄉自治成立并區爲九學區因之每區約有小學十餘計全縣一百十餘校教職員三百九十二人學生四千四百五十三人教育經費銀歲入二萬四千一百二十六兩歲出二萬八千五百二十一兩

關梁

航慈溪橋爲金義通衢卽舊志所稱俞家橋康熙年間爲傅姓獨造後橋爲蛟水冲壞僅存故址光緒年間董事傅廷揚等會同金義兩邑捐募重修共費萬一餘緡癸未橋成傅嘉蔭復助田九斗爲守橋施茶之費

鳳塘橋卽金義橋在鳳塘莊東支木爲之爲金義交界之處

仁壽橋在山豆下莊道光乙巳年沈感卿獨力創造光緒二十七年蛟水冲壞重修夾溪橋舊志稱慈溪橋誤爲傅鼎元妻孫氏獨造光緒年間橋圯壞裔孫傅炳文等出貲採石監督重修

潛溪橋在下柳家莊後卽宋濂故里舊有宋宅今遺址尙存橋爲蛟水冲壞未修現有石橋故跡

艮溪橋在溪口阮莊北創建於萬歷年間重修於順治十七年舊名太平橋在今橋

上首百步許因橋爲蛟水冲壞移建於此咸豐五年重修橋西有八角碑亭頗古義濟橋舊名證果橋俗呼大橋在孝順鎮橋上覆以瓦屋可通貿易爲金義東浦四邑往來要衝及通諸暨到省垣大道修造以來歷年已久現由傅庚林勸捐修葺濟寒橋一名新橋在夏宅西首乾隆年間夏廷曉建乙卯年橋爲蛟水冲壞夏子燮等捐貲重修

永鎮橋在洞殿石定庵前跨山麓爲橋橋東有鎖雲亭乙卯歲蛟水暴發橋亭俱爲山水衝塌現在捐募重修嘉慶年間金萼梅有記

萬世橋在洞殿口距永鎮橋百步許爲金浦往來最要之處道光二十九年長塘施有球獨力創建後橋壞至光緒二十九年復由裔孫施世恩等出貲重修歲乙卯復爲蛟水冲壞現正由派孫施鳴湊創捐修造

永新橋俗名黃雙狗橋在萬世橋下二里許創造於嘉慶年間重修於咸豐年間歲乙卯亦爲蛟水所壞現正捐募修造

東溪橋卽志稱山爪橋在山爪莊東道光五年重修初本小橋一堞光緒三十一年重造石橋三堞長六丈餘改今名橋西有處義亭東有脩繕亭蓋脩橋餘貲所造

續修浙江通志採訪稿

關梁水利

一一

也

古溪橋在古塘里從前架木爲梁宣統三年徐理則出資購石改造

成績橋在雅芳埠之西去縣治十里溪水發源玉壺山三水匯合自北而南流入大江爲金義二邑之要道宣統三年雅芳埠金廷銓妻葉氏建造計用去銀圓三千零七十四元由平日紡績儲蓄而成故名

河仙橋在河口莊舊志在松溪橋上架木爲之光緒二十八年嚴塢莊民人嚴春忠病中夢神人示之曰汝能捐建河仙橋病可痊也乃驚醒病少瘥遂倡捐鳩工建造石橋十三甃三十年十月竣工費銀二千八百餘元捐款不敷卒售己田三十餘石得銀八百元以足成之

水利

湧泉塘在九龍村下水自沙底湧出流行八九里有官馱天師兩堰引水灌注郭田白竹坂田三千餘畝其經流遠何文定公故里至下竹園匯雙龍洞水入婺港東山塘在鄭岡山東古稱東湖上湖創築道光年間下湖創築同治年間灌注民田八百餘石

古蹟

欽表節孝坊 在姜衙莊為姜詵妻 鄒氏立 乾隆九年
節孝坊 在郭田莊為庠生郭兆錕 妻俞氏立 道光辛丑

田賦

光緒二十三年核減浮取每糧一兩除錢二百八十文庚子年拳匪肇禍和約告成 每糧一兩加收賠款錢三百文合計每兩制錢二千四百二十文宣統三年附捐 自治經費錢一百五十文

戶口

洪楊亂後井里蕩然戶口芟滅大半從未查有確數至宣統元年地方自治成立劃 全境為九區分區調查較見核實城區戶凡三千零三十四男丁一萬零九百六十 七女口六千二百七十七赤松鄉戶凡四千七百三十六男丁一萬三千一百五十一 女口九千二百九十七東震鄉戶凡四千零八十七男丁一萬一千四百五十七女 口八千二百四十東華鄉戶凡四千六百六十二男丁一萬二千三百二十女口九 千零二十七文星鄉戶凡五千三百九十六男丁一萬四千八百八十女口一萬零

續修浙江通志採訪稿

古蹟田賦戶口蠲恤職官

一一一

三百九十一至道鄉戶凡四千五百十六男丁一萬二千六百四十四女口九千零 三十五南華鄉戶凡五千四百零九男丁一萬五千零零九女口一萬零四百十二 白沙鄉戶凡三千八百七十二男丁一萬五千七百五十五女口七千六百三十三美 峯鄉戶凡四千二百七十九男丁一萬一千九百零一女口八千八百六十總共三 萬九千九百九十一戶男十一萬八千零七十九丁女七萬九千一百二十二口男女 合計十九萬七千一百九十一丁口

蠲恤

宣統元年豁免光緒十四年至三十一年民欠

職官

知縣 陳希賢 字吉士福建閩縣進士 光緒二十一年三月任 徐懋簡 字筱築江蘇新陽監生 光緒二十三年六月代理廉署 黃秉鈞 字南垣安徽桐

城孝廉方正光緒二十四年八月任 蘇錦霞 字運卿安徽太平監生 光緒二十六年四月關縣調署 朱鑑章 字達夫江蘇無錫進士 光緒二十八年署

謝希傳 字 江蘇婁縣附貢 光緒二十九年七月代理廉署 毓 彬 字質甫正藍旗漢軍監生 光緒二十九年十二月任 蘇錦霞 光緒三十

二年三月關 張茂鏞 字聲伯江蘇吳縣舉人 光緒三十二年四月署 蘇錦霞 光緒三十二年 張學智 字 恩

若雲南昆明進士光緒三十二年八月署 黃羨欽 字文若湖北建始舉人 光緒三十四年六月署 楊清綬 字笠夫福建侯官舉人 宣統三年五月任

縣丞 莊承祐 光緒二十三年八月任 謝徵理 光緒二十五年八月署 李如金 光緒二十六年十月署 曾翰章 光緒二十八年

署四月 秦 煥 光緒二十九年六月署 胡東海 光緒三十年九月署 張晏清 光緒三十一年四月署 潘勳毅 光緒

三十二年六月署 王之臣 山西附生光緒三十三年二月任 王嗣綸 上虞優貢宣統三年任

典史 葉光藻 光緒二十七年十月署 儲鳳銜 光緒二十八年十一月回任 鄧勛臣 光緒三十二年正月調署 儲鳳銜 光緒

四年八月回任 洪恩湛 光緒二十二年四月署 謝 煒 字日初光緒二十二年七月任 童祥春 光緒三十年八月任三十一

訓導 柯培鼎 光緒二十七年六月署 周鈞棠 光緒二十八年四月署 陳益常 光緒二十九年四月任 陳文烈 宣統元年

任 邱榮光 宣統元年 選舉 王廷揚 光緒戊戌科 金兆豐 光緒癸卯補行辛丑寅恩正併科

進士 王廷揚 光緒戊戌科 金兆豐 光緒癸卯補行辛丑寅恩正併科 黃世基 全 王葆初 全 張 恭 全

舉人 汪庚年 光緒丁酉科 金兆豐 光緒壬寅補行庚子辛丑恩正併科 程祖伊 全

恩貢 邢毓麟 光緒 劉受謙 光緒庚子 趙瑞藩 宣統 葉 熙 宣統己酉科是科 程祖伊 全

拔貢 邵詠棠 光緒丁酉科 俞晉福 全 葉 熙 宣統己酉科是科 程祖伊 全

優貢 朱震修 光緒癸卯科 郭寶琮 光緒丙午科

續修浙江通志採訪稿

職官選舉列傳

四

歲貢 汪志洛 府 張上鑑 以下 傅作舟 盛樹梅 傅春林 黃秉鈞 鄭鍾玉

徐應庚 邵有毅 劉經邦 錢肇華 蔣世珍 胡德華 馮則倪 倪孔

時 何壽權 宣統 列傳

施鳴盛字澗東號洛瞻其先祖樂皋公自東陽徙居洞源之華峯山下祖有增父光

銘皆邑諸生母王氏兄弟六鳴盛次居長幼讀書資性遲鈍每日讀二行猶不能

背誦然咕嗶埋頭晝夜不輟家貧常飯牛即以書捧讀於繫牛之欄前識者早卜

其為邁倫之器矣嘉慶癸酉以第三人舉於鄉乙酉得大挑一等即選貴州清鎮

縣知縣調補涓潭縣歷署施秉安化鎮遠諸縣赴任之日親故祖錢者皆曰莅茲

美任何患不富貴乎鳴盛則曰否否凡秩無崇卑期於字民余願為清白吏足矣

他非所望也及之任果一意愛民民有餽遺者輒喻以楊震四知故事却之一時

賢聲嘖嘖薦剡屢上治行爲黔省最當時大吏有做人做官俱第一之稱未幾以

卓行保舉陞授定番州知州調補廣西歸順州養利州政治廉明不事苛刻每整

頓積玩惟以德化非與徒事搏擊者比民有犯法必反覆推求使兩造各自輸服

而去平日未嘗輕褫一士未嘗濫刑一民治績所至有聲崇祀名宦晚年致政家居猶設帳授徒講論經史或時與樵夫牧豎話桑麻課晴雨非公事不見邑宰與人交無驕矜之色優游泉石終老名山人以爲有陶令風焉

據施氏譜及樂卓漢序按卓漢廣西歸順州人

青田縣知縣

曹汝賡初名炯號秋涓世居金華東鄉之五都坦溪父文柯訓子弟有法嘗聚書數萬卷招致名宿講論不倦汝賡因得淹貫羣籍從鄉先達王蔣巖張丹村考推文史學日益進年十六應童子試邑令黃金聲拔置第一遂入邑庠復從郡學楊道生遊楊精濂洛之學獨深契汝賡謂吾道幸有傳人既而肄業於杭州敷文書院掌教陳鍾麟學使史評皆器之道光丁酉以拔萃科貢成均舉庚子科順天鄉試明年成進士以知縣籤分甘肅旋補礪伯復攝大通篆升哈密通判礪伯地鄰青海爲閱邊進藏孔道差絲絡繹民困於供億當乙巳丙午間車王進藏制軍三閱邊境汝賡屢念民艱夫馬柴草任輦諸費概割廉俸承辦不以累民民甚德之比去任爲建專坊於紅城子地方以誌去思及升任哈密未竟所施丁母憂歸歸而不名一錢里人咸訾笑之汝賡泊如也侍父優游鄉里擁萬卷書日以著述自遣

續修浙江通志採訪稿

列傳

一五

無復仕進意逾數年父文柯歿既終喪飄然欲作海外遊適其族兄宗餘任台灣副將因航海往省之越一年家鄉陷於粵寇長子致瑩殉難仲子致瑜與幼弟奉母避地與汝賡會於閩時滿洲慶端總制閩浙提師駐建甯汝賡爲慶端觀察西甯時舊屬素器重力勸隨營遂挈仲子致瑜往端卽屬以浙界龍鼻頭一帶查勘事因過於勞瘁疾作歿於營次時同治元年也汝賡貌豐身長氣度渾灑所爲詩文醇古茂密自成一家言惜生平著作盡遭劫火無從綴述云

章大豐字士玉號瑩齋先世有諱仔鈞者五代時仕閩有保障功妻練氏以一言全建州城世稱全城章氏清初由浦城遷金華郡祖繼賢父日昞並隱居未仕豐幼岐嶷尤篤天性七歲就外傳聽講入孝出弟章欣然有得年十三家貧無以養親遂棄儒營商嘗負米憩道旁鄰父憐之遺以餅餌則婉謝曰予親方待暇菽敢先飽乎仍忍饑歸父前貸宋檢討錢豐鑑積數年踵門以償宋公曰業燔契矣胡償爲豐曰父命也卒計子母酬之不索券中歲賈稍贏慨然曰敝廬湫隘久累衰親因亟出千緡購屋以居母治母喪或議其已美答曰吾前喪父貧未具禮至今猶心愴今家小有忍復簡率從事耶每逢父母忌日必齋終身哀感撫幼弟大連友

愛備至人以比之彭城姜肱同鄉夏虎經額其堂曰友恭大連歿走哭逾哀淚盡見血竟以積傷繼歿年六十有九豐性耽圖史恆語人曰我輩幸生盛世目不睹兵燹之災宜何如竭忠報國或難曰草芥何事可效曰安分守己國課早完卽所以報也處已至約人有困急趨赴惟恐不及三鄰里鄰之幼不能育壯不能娶喪不能葬貧不能給待以成全者不下數十百家施助至再三無或靳道光甲午歲大旱窮民嗷嗷食草木實豐屢糴穀以糶價亦如市而陰拓其升斗或詰之豐曰平糶則近名施賑又乏力聊藉是稍展區區耳東郭外有地數畝栽柏數百株鄉人竊伐之佃者以告且請訟辭曰歲饑貧民藉以緩死予不能拯忍與較乎遂聽其盡伐無一遺者其慈祥好施類如此邑紳上其事於朝得旨列祀鄉賢詳德清俞樾所紀別傳

章倬標字果堂祖日昞夢神抱一錦衣兒授之寤而倬標生益鍾愛幼穎慧年十九補弟子員二十三舉賢書三十七成進士由禮部主事迭遷員外郎郎中京察一等補陝西道監察御史旋授福建泉州知府泉俗多溺女捐廉設堂收養嬰孩七萬數千餘口革泉俗葬後十年起骨盛饑之弊極貧與無後者鳩資埋其骨凡數

續修浙江通志採訪稿

列傳

一六

千塚四城各設義塾課生童以敦品績學移守興化多劫案標割俸謀禽惡猾蔡粗蠻等置於法城民以安大崙鄉朱目仔者盜魁也以計禽之目仔授首餘黨殲焉釋所虜男婦三十餘人再守興化米倉空請賑不及適湘陰左爵帥追粵寇過郡標謁陳民間困狀請假兵餉千金以資平糶又令四鄉股戶各賑其鄉民無道殍白沙奸民陳捷七聚衆千餘思乘機焚劫標命經歷帶勇掩捕揚言太守大兵卽至衆遂潰械陳捷七以歸不請一兵未三日而羣醜悉平民至今頌之黑白旗土匪爲患左帥命將佐標赴勦禽俘解訊治其情實而釋其誣陷及株累者或以寬縱上訴太府詰之標曰玉石不分守令何用僂無辜以迎合上官非所能爲具詞乞休帥慰留乃已郡至省衝道有瀨溪橋久斷諭富紳捐修工將竣而橋面石長四丈餘者無所取材次年春山巔忽墜巨石命工度之適符橋面人以爲積誠所感回任泉州推廣育嬰偏及沿海島嶼法載育嬰核實錄六里陂水災隄壞奸豪絕流而漁標倡議興築鄉民糾阻密請羅大春軍門率數騎下鄉悚以利害衆大駭翌日滋事諸人赴郡自首標令捐資助工自曠隄成勒碑永革從前惡習泉素乏穀值歲不雨標籌賑平糶一如守興時又籌造倉廩三十間糴穀萬五千

石手定章程議載義倉紀閩實下游徵糧久無鱗册標悉心禁浮收杜訛索勒定徵收推割之數蠶胥遂以欽迹三守泉州會日本率舟師萬餘犯台灣泉郡戒嚴以保甲法編聯詔海漁艇平日捕魚有事聽調復以軍令約束事定叔道員旋權興泉永道篆道駐廈門地環海洋商廣集標乃整飭稅釐革除積弊商困以紓轉署甯福兵備兼督糧儲屬米價騰涌折解之數短甚捐廉足之或勸增收米值標以米值一增後難復減貽百姓無窮之累非所忍爲卒不增值自奉菲薄非賓祭不特殺袍服皆宦京時舊物日持衰了凡功過格所刻有潭泉治法論寡過箴言錄功過格輯要蕭山汪煥曾先生遺書三脣閩善後總局督辦差終以勞於局務而歿享年六十有九

章德華字懋生幼穎異侍父倬標官京外務劬學兼習吏事例凡官鹽曹者父子免回避遂以嵯尹仕閩歷辦饒課常溢額理詔安浦下莆田諸場綱悉皆疏暢先後大吏均器之票運敍勞疏保擢知縣補用直隸州其宰南平也下車斷積案二百餘起馬江之役羽書絡繹郵氓僞言數驚暴客乘機剽掠華外倚軍扉內靖里落訓猾徒羅冬狗等置於理邑以安堵未幾大吏以浦城官銷滯鬻檄典該處鹽課

續修浙江通志採訪稿

列傳

一七

局至則挾奸剔弊民商稱便擢省局提調既去而鹽梟戕官罷市之變作大吏召華剖決華謂事由激變遂檄往治諭之曰若等非吾民邪吾來第禽渠魁三人若慎無恐民感其言遂散去已知建安恤木商爲鑄禁立石知詔安走馬塘民悍與大埔寨世相仇殺曉以利害解散之知霞浦平反刁僧誣奸之獄凡所至不事鉤距而摘發如神士民畏服嘗督繕潭郡隄隄費半而鞏倍乙未海警未平大吏籌閩海形勢倚山帶海非面勢窵突銳角如法不足資守禦華听夕駐山廠審地形庀木石討論新式臺堡匠役勤惰立汰獎之時方盛暑出入風濤曝炙中役將蔽而病猶力疾督工或勸少息應曰王事也何敢告勞竟積瘁歿於工次

朱允成字展卿一字子欽少受業於鄉先達聞人紀之門年十五受知於督學吳鍾駿補博士弟子員道光丙午舉於鄉庚戌考取國子監學正咸安宮教習捐工部主事加捐兵部郎中咸豐戊午以本籍城守功保舉奉旨免其學習作爲候補辛酉之亂走閩江奮然有濟世之志乃審度天下形勢抒其所見爲書數萬言上之座師兩江節制曾國藩國藩奇其才召赴大營乃投戎幕贊襄軍務所向克捷國藩特疏保奏奉旨以知府用親友聞之皆色喜謂子欽以非常之才當有用之日

又得師門爲之援引前程未可量也乃不數月而卒人皆惜之所著有強恕齋日鈔讀史取則強恕齋古文強恕齋詩草諸書

程炳藻字芷春世居郡城西市生而銳敏甫就塾讀書卽冠其羣由廩生考取道光丙午科優貢時學使吳鍾駿奇賞之游京師與四方知名士上下其議論當時才名籍甚自粵逆之變橐筆戎幕飛書草檄能曲中事理故在閩章觀察倬標及在滬應方伯寶時皆倚之如左右手焉歷權處州府及遂昌麗水景甯各學所至士皆向化銓授龍泉教諭乘鐸十三年教澤尤深炳藻有經世才尤善決事素具俠腸見人有急難必赴不辭勞以是人感之工書法早歲精小楷晚年好臨麻姑仙壇記直造平原堂奧又喜唱和詩詞著有就菊居詩存二卷試律詩一卷卒年六十三

黃濟川字梅溪塘下人幼穎敏博學工文善書畫尤以墨梅著名六歲畫龍於壁逸逸有生氣人目之爲顧長康入泮後家貧授徒以自給邑之名士皆出其門光緒丙子登賢書時陽湖趙公會向守郡濟川本其所取肄業書院之高才生也重其人禮聘入幕於地方利病多所獻替有土豪匿重犯不俾出趙公捕之急土豪恐

續修浙江通志採訪稿

列傳

一八

挽濟川戚懷二伯金求爲緩頰濟川嚴拒之而囑其出重犯以紓禍事卒解其廉潔能感人若此越十年成進士以卽用知縣分省湖南歷攝慈利清泉以廉能稱旋署武岡州州固巖疆民俗强悍時有萑苻之警濟川推誠治之俗爲之變將遷衡陽而未屆瓜代也適州屬有團民激變會匪乘機焚掠之事濟川歎曰此吾事也安敢以五日京兆辭乃捐俸募勇親率勦撫旬日之間鬚髮驟白惟州去省窻遠郵電未通軍書濡滯大吏責其稟報遲延以李令代李固恇怯無能者既至匪勢正張逡巡不敢接篆旋見事稍定則復爲邀功計殺戮無辜濟川力爭不得其被證者臨刑大呼曰使黃青天在吾輩不至此願一見黃青天死亦瞑目李令嫉之而又懼發其覆也乃媒孽其短於大吏卒以是落職待大吏去得開復調入獄局尋補綏甯在職八年吏畏民懷以老疾乞歸時年踰七十矣先是濟川祖業質庫粵匪之亂家毀債負甚鉅濟川常耿耿宦成後獨償還之不下三千餘金重修宗祠費亦不貲時浙路初辦購股者多觀望濟川投重資以爲唱冀庸其風氣亦人所難者卒年七十有五著有雙硯齋文存三卷怡雲山館詩草二卷濟川恂恂儒者不知巧宦之道又無奧援而歷任巖邑蓋皆以詩文書畫結上游之知云

文苑

傅文光字衡玉號竹溪幼失恃父行素喜其聰穎嚴加訓課弱冠補弟子員督學東
皋資公奇其文拔置第一餽焉乾隆己卯登鄉薦第三人六赴禮闈終於不遇人
皆爲惜之泊如也性孝友最得父歡心生平不苟笑語尤敦尙氣誼與同時方一
齋洪曹慎堂長泰爲莫逆交壬辰偕長泰北上至山東長泰病甚文光爲請醫手
自煎藥竭力調護雖試期已迫不肯舍而先去重友誼也爲文則縱橫排氣波濤
怒生絢爛之極日歸平淡自蔚然成一家言當時有文虎之目中年肆力於詩凡
遇關山險阻都邑名勝風帆浪舶店月橋霜以至友朋離合身世之感往往盃酒
澆胸有觸卽發激厲頓挫希蹤唐人晚因屢躡南宮歸田講授遠近不下五六百
人皆稱爲竹溪先生云居恆閉戶著書足跡不入城市菽水布素意甚適也後父
歿幽憂成疾而卒所著有茂槐堂集東山草堂詩若干卷行世據傅氏譜曹
開泰傳補錄
方應麟字宋卿父志衡師事仁和杭大宗攜道古堂集歸宋卿方少閱至陸德明爲
論語孝經孟子撰音語問曰經典釋文有孟子耶志衡無以應又閱三國志補註
見諸葛亮借引風事問曰稗官可證史耶志衡又無以應他日讌客宜樓庖人進

續修浙江通志採訪稿

文苑

九

烏賊魚客有疑名不雅者宋卿時侍側卽應曰吳都賦云烏賊擁劍三都亦不雅
耶客大慙志衡叱之退歎曰是兒機鋒太俊非載福器也方是時邑人曹開泰以
人師稱乃命宋卿及其兄應鳳從之遊業日進議論風生又佐以書卷滑稽無窮
復常屈其座人宋卿性高曠而澹於進取弱冠與方水部元鵬戴庶常聰並以詩
古受知於大興朱文正公二人先後成進士而宋卿獨以諸生終所居介講堂冰
壺諸洞迴溪邃谷映帶左右暇攜詩囊酒榼坐亂石間獨酌且吟與松聲溪聲相
答醉卽枕石臥或促之歸則曰明月來伴我矣年三十七卒又聞宋卿善事親卒
之日猶斑衣博老母一笑退而坐化著有滌松閒籟詩集三卷

金萼梅字月林又號長嘯子歲貢生少負才名未爲時輩所許一日王鹿山招飲席
間皆耆宿秀士萼梅與焉適有雛伶倪姓者以色藝擅長衆曠之持扇乞詩將以
窘之萼梅卽席題七言長句一首揮筆卽就自是衆始嘆服生平秉性孤介兀傲
不羣時曹開泰學識瞻博名震一時萼梅初謁未肯執弟子禮陳仁言示以宜弦
堂集始欽服後曹開泰與方國泰輩結北麓詩社萼梅亦與焉所居洞源之梅村
與洞溪不遠林壑幽邃奇石萬狀溪口有石笋高數丈峙立道傍萼梅有石定山

石笋歌頗爲一時傳誦家居常服野服灌畦種蔬以爲樂見者不知其爲萼梅也
所著有月林吟稿詩格沈鬱雄厚跌蕩有致

據書事存稿及舊雨錄

陳仁言字慎齋洞源雅高人邑諸生天資敏捷警聞過人幼與張作楠同執經於曹
開泰之門爲文操筆立就作詩好探險韻或盡韻能以盤空硬語勝人時方國泰
與曹開泰輩聯詩酒之會因仁言好用全韻卽作三江全韻招之一時爲北麓詩
社中翹楚歲辛酉病劇不起張作楠爲文哭之甚哀父杞亦爲仁言喪明僅遺腹
一女無嗣惜哉著有豫立軒集四卷行世

據舊雨錄及書事存稿補錄

施琢章字北林洞源人資性明敏過目成誦父永銘字資武世居風門嶺下爲洞源
最深處其族以樵薪種旋爲業無知書者永銘獨嗜學因貧甚不能竟北林甫能
言卽斷柴枝爲波磔點畫攢簇成字以教之且則樵且耕以爲食夜則燃松節以
課讀張作楠過其廬父永銘攜琢章揖之曰是兒八歲能背孟子矣作楠愛其秀
出挈之歸與兒輩共學稍長引之游曹時之門旋補諸生擢高等其父喜曰吾族
居此十九世有人作博士弟子食餼矣道光己酉舉於鄉屢赴春官試不第丙辰
以貨授工部主事轉遷兵部郎中濡滯京曹者數載後寄居郡城鬱鬱不得志以

續修浙江通志採訪稿

文苑

十

歿所爲詩文皆倜儻古雅饒有醜樸之氣惜遺稿尙未梓行至今僅有傳者妻曹

氏知文墨坦溪曹薰之女

據書事存稿及怡園隨錄

曹位字立人坦溪人開泰從子也少事方淇卒受業於開泰之門張作楠陳仁言皆
其同學友常讌集詩人於張作楠家同賦咏懷五嶽詩立人詩成衆皆閣筆又擬
吳正傳十臺懷古詩將以多困之立人與酣落筆激昂慷慨作楠仁言皆勿及爲
人重然諾敦氣節有古人風然制行孤介不能諧俗故困頓日甚作詩鏤腎鉅肝
一字未安輒沈吟達旦殆所謂獅子搏象兔皆用全力者卒以此致疾止於中壽
惜哉著有雙桐書屋詩草刻於宜絃堂集後

余烈字子駿官田人生聰穎幼能默誦九經同治己卯中本省舉人次年聯捷成進
士授縣令改捐內閣中書陞刑部郎中性和易無少長皆馴狎處京凡二十年終
日遊心詞翰不詣權要常作賤辰戲作詞以自鳴其志

傅學衡字旴先號怡園由邑廩生中式光緒丙子科舉人次年考取國子監學正學
錄自丁丑至壬辰公車凡六上皆鬱鬱不得志丁酉應邑令劉君喬祺纂修本邑
志書之聘旋以劉君別調中止戊戌以大挑二等得教職庚子秋奉藩檄委署臨

安縣學訓導未及期滿卒於官生平志學勤敏遇事果斷處世雖極和平而卽之令人不敢褻性喜蒔植花木灌溉之暇輒以琴書自娛所著有琴記十二卷河道指隅三卷長城考一卷怡園隨錄十卷拳匪紀聞二卷備乘類輯二卷笑盾一卷

未梓行

據傳氏譜

方國泰字警齋曹時字栞生馮慎中字羊山俱以博學能文稱

孝義

余文清父之銘生甫四月而父卒母邵氏守節撫孤備歷艱苦文清受書母氏及長好讀醫卜種樹五行三式家言或強之作詩文軒軒有奇氣然不就試嘗曰爲功名始讀書是以學市也纔讀書卽覬功名是以功名餌也吾非不知祿養亦事親一事然吾無兄弟無舍寡母宦遊理故不忍出也又精醫術往往奇中然不受謝嘗曰人生須思於物有濟達而醫國窮而醫病其事殊其補救造物之憾一也醫可受謝將醫國者亦可受錢乎少時躬耕養母無倦色及有餘財奉母命濟人亦無德色其母守節五十一年未嘗一日離母側郡大夫聞而賢之舉鄉飲酒禮屢請起之謝曰文清村氓也束以冠帶譬加野鹿以安轡辱大典矣竟不赴

續修浙江通志採訪稿

文苑 孝義

十一

邵繼明父志見道中遺金坐守以待歸失金者然後去鄉里賢之繼明少而好學以父兄蚤世不能卒業耕養母時邵吉庵以孝稱方教授里中繼明命子一帆師事之曰延篤言仁之有孝猶枝葉之有根本吉庵孝行可師故命汝事之若舍此爲學是撥其本而求枝葉不萎得乎吉庵失火割宅居之且時周其家家人訴米盡勿顧也通三式家言然不爲凶橫者諷吉曰焉有吉曜肯護凶人通三命家言然不與躁進者談命曰彼不安命焉能知命或昭以多金則謝曰吾心中不欲此物便是命中無此物其見理明律已嚴類如此

張鳴鵬別號心泉明崇禎庚辰衢州旱心泉販米舟將抵埠見饑民沿岸惻然曰人情若此猶擁米居奇乎卽磨之進曰吾不忍見公等待斃舟中米可分取之吾不受直也凡五百餘石須臾而盡反棹時焚香送者數千人擁舟不得發云

張應元有俠節與族子成如善嘗晚過其家見外門夜開方欲問適有人強之他往漏三下始歸既就寢矣忽念門不下鑰殆忘之耶知而不告脫有疏虞是負之矣披衣走告去未數武牆壓適當臥處次日語人曰負心事故不可爲吾昨夜若貪睡不起骨齏粉矣

王齊卿名元穰澧浦人父朝謨與張承修士彩交最密齊卿始生朝謨與村人角力傷其脅吐血不止將殆召二人與訣比馳至已不能言惟瞪目視齊卿士彩泣曰君弗憂所不視君之子如吾子者有如日瞪視如故承修乃附其耳問曰君得母以吾女爲兒婦乎誓不忘也遂瞑及齊卿將娶女以足疾廢囑之別娶齊卿曰父命也卒娶之生六子一女先齊卿卒士彩在齊卿家五十年齊卿敬不少衰事必諮而後行澧浦人至今稱之

陳飛泉名圭居金華白水巖之南父昱好客飛泉繼之投轄倒屣無虛日然家僅中資飛泉又兄弟七人食指日多家計日落客亦日稀後過客門客疑其有所求託疾不見飛泉歎曰翻手作雲覆手雨彼竟謂吾死灰不然乎歸課其子讀且耕農隙則負販於市長子杞右手偏枯仗左驅牛巖耕以佐之不十年舊業復振舊客亦復來嚮之託疾不見者竟轉貸其家其子欲報之飛泉笑曰休矣翟公署門終非長者嘉慶庚申蛟發巖前村落田廬盡沒飛泉傾其困囑之

洪兆年坂田洪人父歿家四壁立兄弟各出謀食獨兆年以母患風痺不忍去負薪拾橡以供菽水傭趁里中朝必先諸傭出暮必後諸傭歸有問者則曰吾日中須

續修浙江通志採訪稿

孝義

歸進母膳故以此補之所傭家或與之魚肉瓜果必懷以餉母其視疾也損一飯加一衣脫然中節夏扇枕席冬以身溫被日出則負之曝背檐前問其所苦抑搔撫摩以適其意及母年益高疾益篤不能以口就食則噉而哺之夜則抱之以臥便溺汚衣被則推乾就溼俟母睡熟潛易而滌之不使之知母嘗命之娶對曰兄已有子兄子猶吾子也母乃命其次兄彬之子庭歸子之兆年即招兄合爨以悅母心自其母初病至此越三十年未嘗稍怡母至道光戊子始卒年八十七歲

徐如衡后徐莊人父紹周業農善居積以財雄於鄉如衡幼讀書不求甚解往往能得大略事母勤謹二十一歲父亡母以操勞過度兩目俱盲光緒三十四年盜十餘人毀戶入舉家於睡夢中驚醒倉皇不知所爲竄避屋後圃中母以育兩獲脫盜鞭之迫使言財物所在如衡聞母哀呼聲不及衣履袒裼奔救遇一盜係台州人舊曾傭於其家者乃叱曰是汝耶汝欲問問我母苦吾母爲汝固吾家僕今乃叛主耶盜釋母而以利刃亂斫之徧體受創盜括所有以去室人稍稍集已流血寢門戶橫而不可救矣

何瓊林雅坂莊人原籍福建仙遊縣字清佑號仲森祖獻金字宗龍乾隆己亥至金

華經商於雅坂居焉父駿聲字實鯉母氏姚瓊林六歲失恃育於祖母楊氏幼就塾讀性穎悟弱冠服賈竭力事親妻姚氏亦承順洪楊之亂家貲蕩然平後重事懋遷同治間代父償債三千餘金鄰里親族貧乏者周粟贈金不可勝計咸豐辛酉父爲賊所擄哭隨之賊以刃磨其頸神色不變曰父死子亦死予願足矣賊感其孝俱釋之同治乙丑父老病篤人言子肉可療卽斷指和藥以進卒不起毀瘠三年初父與里中諸父老相友善每好談論商業或家政夜分不歸必倚門守候既歸必親視被褥至父睡乃退雖風雪夜不變歷數十年如一日事繼母楊曲意將順不敢稍違遇胞弟仲炎尤極懇摯同堂兄仲聯弟仲桐皆視若同胞仲桐家尤窘乏每解衣推食以調恤之生平持己端方言動不苟自奉極儉約款客豐備嘗曰惜食惜衣非惜財爲惜福也晚年尤戒殺每購魚鳥之類至更深人靜時釋放之卒前七日卽語死期屆時果端坐含笑而歿享壽六十有六

方矩成虹路莊人母臥病夢神示之曰爾割爾肉以享母病可愈也乃驚醒齋戒沐浴禱諸神刲股煮湯以進母病果愈知府鄒溥旨獎以純孝可風匾額并詳浙江巡撫劉疏請旌表旨准給銀建坊

續修浙江通志採訪稿

孝義忠義

十三

忠義

徐虎字國棟邑庠生性剛直好施與咸豐戊午團練巡撫胡獎給六品軍銜同治壬戌八月督勇禦賊陣亡奉旨旌卹

郭子馴字順則邑庠生襟懷淵默器宇寬宏先正典型後學津逮兄弟子姪輩多出其門下父病足疾百方調護陰有懼心陽爲色喜以慰父心父歿事母尤孝謹不懈待兄弟怡怡無間言同治壬戌賊竄遇害甲子當道題請奉旨旌卹入祠致祭郭國宜字義辦國學生年甫成人爲先大父令尹公所器重祖訓親承後因家政服勞深以失學爲恨極繁冗中亦復不釋卷帙躬操務崇節儉而不惜重費購書極喜讀詩古文辭輒手錄以授諸子延師家塾督課綦嚴拳拳以綿累葉書香爲最年登強仕藉名太學咸豐戊午團練議敘五品軍銜辛酉寇至遇賊不屈身被重傷延四五日創裂殞命同治甲子當道採訪申詳巡撫馬題請奉旨旌卹入祠致祭

俞廷章字繡庵浦口莊人邑廩生生平嚴恪自持不慕勢利咸豐辛酉之亂匪至被執百端誘脅廷章戟指怒罵不屈匪怒其嘔強割舌斷脰而斃事聞藩司蔣益澧

彙奏恩卹雲騎尉從祀省城暨郡城忠烈祠光緒間教諭謝駿德題贈烈士芳徽匾額

傅洵銘傅村人邑庠生成豐辛酉髮匪臨境被執脅從不屈殺之

葉學省上葉人咸豐辛酉之亂殺賊殉難金華儒學謝何賞給執戈衛國匾額

施有龍葉村人咸豐辛酉賊自浦江間道而來有龍率衆拒賊於小風門嶺賊敗退奮勇追殺直至浦之九靈巖脇部中彈殉於陣

施光球葉村人張永訥張廷錢舍塢人咸豐辛酉之亂同拒賊於曹宅之後坂廷錢被賊生擒以棉裹身灌油燒死光球永訥俱被殺

金篋賢字寅甫邑庠生同治元年遭髮匪之亂率兒女避難北山被匪所獲匪知其文理精通又工書法欲託掌管文卷篋賢誓不與匪爲伍罵不絕口匪怒即將手足釘之門板焚而死焉

胡志紡胡國秀半壠人葛蘭痢邢希鼎陳塢人同治二年正月十二日同往禦賊於

蘇堰橋即馬凹橋新志出二橋誤之荷花塘被殺國秀被捉不屈死

陳樵畫浦江白沙陳人寄居邢村生平好勇略詞氣慷慨同治二年癸亥正月十二

續修浙江通志採訪稿

忠義高逸

十四

日賊自城出與衆相率禦賊於隘臨行對衆築檜厲聲曰忠臣不怕死怕死非忠臣也今日各宜奮勇殺賊以衛鄉報國方不愧爲大丈夫聞者壯之及至蓮塘潘與賊搏戰極烈殺賊甚多後賊至益衆卒以勢不敵殉於陣

施有虎施有甲施永能施有帶施光錢施有誥施光烈施有原施有時張兆初以上王案

人梅用金西前路邵金餘姚人本大麻車人同日失於攻杜宅陣內時同治癸亥正月十

二也聞諸人死傷甚慘洞源王家族衆爲置產立祀於香火廳大德堂中

盛天球字重光西盛人太學生粵匪至五都黃村怒罵不屈投水自盡邑尊袁公詳由當道奏聞於朝詔入昭忠祠恩卹雲騎尉

盛震賢從九品職銜咸豐十一年六月三十日在蛤巖一帶地方督戰陣亡同治十三年奉旨旌卹

高逸

韓昌裔字繼愈以其先來自雲間故又號淞雲歲貢生家貧教讀里巷以自給有書癖遇異本輒割修脯購之突無炊烟晏如也性孤潔不能與時俯仰同里馮省齋思學隱居芙蓉峯南數十年淞雲高其人心醉焉載酒就飲累日忘反賦詩云松

花酒熟筍抽鞭斃嫩雞肥菜甲鮮不速客來同翦燭先生真箇是神仙又聞雙溪之南有夏虬巖者迂僻有奇趣爲之題醉仙圖虬巖大喜遂定交焉虬巖酒量亞省齋詩筆與淞雲相若孤弦冷韻如其人淞雲無子有一女又夭或曰此仙人小謫人間耳或曰此苦行頭陀未脫塵劫再入轉輪現學究身而爲說法耳然歟否歟

流寓

楊道生字立人一字仁甫德清人少年時學無所不窺舉嘉慶甲子鄉薦游京師聞濂洛之學於同郡姚境塘生乃有志於聖道由博反約篤信王文成朱陸合一之論讀書窮理一歸於明心見性吳縣潘芝軒相國係鄉試座主延至其家課諸公子讀相國輯鏡古編諸書皆爲參訂不厭精博而所自著如知非錄則道其心得之言也司訓金華生徒日進廊舍不能容則釀金構室以棲經指授者多掇科第去每不色喜嘗言此邦小鄒魯不能率諸生荷楓山三擔徒以制科相慰殊自愧晚以嬰引退愛東西兩巖之勝卜居坦溪優游林下十餘年先是嘗輯先儒語錄爲守約編嗣專輯明儒語錄爲通復編逮年益劭見益遂復取白沙陽明念庵叢

續修浙江通志採訪稿

高逸 流寓

十五

山諸先生論學之精微者以己意發明爲洗心藏密編論者或以禪學譏之是固不足辯然所居僅一間散冷官凡闔郡書院賑護育嬰施衣諸善政皆殫心力爲之佐守令所不逮於禪奚病焉藝事多通曉尤深於醫診脈投藥悉依仲景方略書法出入唐晉以香光爲歸宿詩步趨三唐於本朝酷嗜漁洋皆至老不倦

鄧鍾玉字子珣蘭谿人隨其父寓居金華少好學爲制藝卽佼佼有聲游岸食餼皆以第一同治丁卯科南皮張文襄典試浙江所取皆知名士珣亦與焉一上春官不第卽歸閉戶讀書垂三十年不復有進取志故其學自天文地理羣經歷史諸子百家以及金石步算稗官詞曲堪輿星卜之書無不博覽而於一郡文獻尤所留意李閣學春皋唐副憲根石於珣爲前輩行皆推重之朱侍御蓉生尤爲心折光緒己丑間督學南海潘暉琴有續軒錄之輯寓書侍御詢郡人遺編之可採者侍御時主講粵東以珣爲言今錄中載郡人之詩多珣所搜羅而採進者也爲人耿介不苟家貧授徒鬻文以自給同年桐廬袁爽秋時觀察蕪湖念其貧分俸以贈輒婉謝之援引亦不復出珣積學既富頗事崖岸與人議論不合必反覆駁詰不少假借以文進質有未愜者則直指出之雖其人面赤汗背不顧然好汲引

後進有一長輒譽之不絕口而自謂不如其愛才又若此卒年七十有三輯有徐侍郎集二卷唐悅齋年譜一卷蘭谿詩輯二卷蘭皋風雅補遺一卷錢譜若干卷大瓠齋詩文集若干卷大瓠齋聞見錄若干卷古事錄若干卷雜事錄若干卷金華縣志書十六卷浦江縣志書十卷八婺拾遺九卷蘭谿縣志補遺二卷兩浙軍事日記若干卷

仙釋

鄭開泰字中陽壇里鄭人風骨珊珊素通妙道時久亢陽一禱膏流兩浙衆皆以爲神元至大辛亥年屍解邑人建壇祀之

列女

郭氏上陳故儒陳振祥妻也咸豐乙卯振祥病革與之永訣曰予死汝可去帷氏卽厲聲曰若不祿弗求生活矣遂飲鴆殉奉旨旌表

于氏長山徐龍之妻咸豐辛酉九月二十八日粵寇入境倉猝不及避見匪勢危急恐爲污辱投水自殉

方氏讓長滕慶餘妻咸豐辛酉遇賊不從攜女投水自殉

續修浙江通志採訪稿

流寓仙釋列女

十六

馮氏西吳太學生吳夢賢妻咸豐辛酉遇賊被弑其女適擇住鄰庠生郭允治爲妻性至孝因母旣身殉悲痛無已明年投水以殉

方氏驛頭盛炳漳之妻同治元年同女佩瑜遇賊於橫山嶺賊欲污之不從母女皆被割死光緒辛巳張大宗師獎

林氏郭田邑廩生之郭兆醇妻同治壬戌遇賊投水自殉其女璧亦投水死之光緒丁丑學政丁紹周獎節烈雙旌額

翁氏郭田太學生郭兆鑑妻同治壬戌遇賊被弑光緒丁丑學政丁紹周獎節烈可風額

江氏郭田文學郭元豐之妻同治壬戌遇賊被弑

徐氏鄭岡山郡庠生鄭學愚繼室同治壬戌因夫被擄虐待命亡氏避難湯溪嵐背母家迨賊匪陷境強脅歸寨氏不肯從并罵不絕口賊怒斬之有兒二齡啼哭不止尋亦斃見者莫不流涕

姚氏厚誠里李兆秀之妻年三十四遭洪楊之亂偕其姑素蘭逃至旌孝門外下楊村賊徒逼近恐爲所污與姑素蘭沉黃泥塘自殉